

sosiaal- já tiervâsvuođâministeriö

OT SÄMMILIJ SOSIAAL- JÁ TIERVÂSVUOĐÂPALVÂLUSÂI VÁÁIJUVVUOĐAH ČUÁVDOJEH PUÁTTEEVUOĐÂ SOSIAAL- JÁ TIERVÂSVUOĐÂKUÁVDÁŠ -OHJELMIST

Peerâ- já vuáđupalvâlusminister **Krista Kiuru** čuákánkoččom pirrá peevdi čuákkimist savâstállii 26.11.2019 sâmmilij sajattuvâst sosiaal- já tiervâsvuođâpalvâlusâin. Mieldi savâstâlmijn lijjii Sâmitigge, SâmiSoster ry já Nuorttâlij sijdâčuákkim.

”Sâmi kielâlij sosiaal- já tiervâsvuođâpalvâlusah iä lah tääl kelijdeijee tääsist. Maangah čuolmah šaddeh palvâlemrááidust orroo vááijuvvuođâin, ijge taid pyevti čuávidiđ tuše nubâsmitmâin lahâasâtem. Mun tuáivum ete Puátteevuođâ sosiaal- já tiervâsvuođâkuávdáš –ohjelm ohtâvuođâst pyehtip pyerediđ tile”, paahud minister Kiuru.

Puátteevuođâ sosiaal- já tiervâsvuođâkuávdáš -ohjelm olášuttoo eennâmkodâlijn ovdedemhaavâin sierâ kuávluin Suomâst. Ovdedempargo várás kieldáid já kieldâovtâstumijd mieđettuvvoo staatâtoorjá. Vuossâmuš ruttâdemuccâm liäkkoo juovlâmáánust 2019.

Pirrá peevdi paaldâst muštottii, ete sâmmilâid uáivildum sosiaal- já tiervâsvuođâpalvâlusâi ornim ij kolgâččii árvuštállâđ tuše kielâläš koččâmuššân, peic tom kolgâččii uáiniđ sâmmilii algâalmug olestâárbui uáinust. Ovdâmerkân soti-udâsmitmist kolgâččii ovdediđ sâmi kielâlijd já sâmikulttuur miäldâsijd palvâlusâid kuittgâ sâmmilij päikkikuávlust sehe turviđ sâmmilij uásálistem tai vuáváámân.

Sosiaal- já tiervâsvuođâpalvâlusâi sâmi kielâlii pargovievâ finniimist láá vááijuvvuođah sehe sâmmilij päikkikuávlust já ton ulguubeln eres kuávluin eennâmkodeest. Masa oles Laapi eennâmkode kuávlust lii vááijuvvuotâ sosiaalpargo sierânâsâššitobdein, sárnumterapeutijn (eromâšávt sâmi kielâlijn), pyeccei- já tiervâsvuođâtipšoin, njälmihygienistijn, bioanalyytikkárijn, röntgentipšoin já almostuáhtárijn. (THL 2018)

Pirrá peevdi paaldâst oovdânpuohtii čuávdusin eereeb iärâsij luávdee toimâolesvuođâ, mon vievâst pasteh turviđ palvâlusâi pyevtitteijeid tuárvi sâmi kielâlii já sâmikulttuur tobdee já syergi sierâlágán pargoid áámmátškuávljum pargovievâ.

Lasetiäđuh

minister Kiuru sierânâsišedeijee Timo Lehtinen, p. 0295 163 387